

## **Հայաստանի Հանրապետության քաղաքացիություն ձեռք բերելու և երկրաքաղաքացիության հետ կապված որոշ հարցերի պարզաբանում**

Հայաստանի Հանրապետության քաղաքացիություն չունեցող 18 տարին լրացած և գործունակ յուրաքանչյուր անձ, եթե նա օրենքով սահմանված կարգով վերջին 3 տարին մշտապես բնակվել է Հայաստանի Հանրապետությունում, կարող է բացատրվել հայերեն լեզվով և ծանոթ է Հայաստանի Հանրապետության Մահմանադրությանը, կարող է դիմել **Հայաստանի Հանրապետության ոստիկանության անձնագրային և վիզաների վարչություն** Հանրապետության քաղաքացիություն ստանալու համար:

Դիմողը պետք է անձամբ ներկայացնի.

- Դիմում՝ ուղղված ՀՀ Նախագահին
- անձնագիր և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
- 35 X 45 մմ չափսի 6 լուսանկար
- տեղեկանք առողջական վիճակի մասին
- տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից
- տեղեկանք վերջին 3 տարվա ընթացքում Հայաստանի Հանրապետությունում մշտապես բնակվելու մասին:

**Պարզեցված կարգով՝** առանց վերջին 3 տարին Հայաստանի Հանրապետությունում մշտապես բնակվելու և հայերեն լեզվի իմացության պահանջների պահպանման՝ Հայաստանի Հանրապետության քաղաքացիություն ստանալու համար **Հայաստանի Հանրապետության ոստիկանության անձնագրային և վիզաների վարչություն, ինչպես նաև օտարերկրյան պետություններում Հայաստանի Հանրապետության դեսպանություններ և հյուպատոսական հիմնարկներ** կարող են դիմել Հայաստանի Հանրապետության քաղաքացիություն չունեցող հետևյալ անձինք.

1. այն անձը, որն ամուսնացել է Հայաստանի Հանրապետության քաղաքացու հետ կամ ունի Հայաստանի Հանրապետության քաղաքացի երեխա, այս դեպքում դիմողը անձամբ պետք է ներկայացնի.
  - դիմում՝ ուղղված ՀՀ Նախագահին
  - անձնագիրը և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
  - 35 x 45 մմ չափսի 6 լուսանկար
  - տեղեկանք առողջական վիճակի մասին
  - տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից
  - համապատասխանաբար
    - ա/ ամուսնության վկայականը և դրա պատճենը ամուսնու, անձնագիրը և դրա պատճենը կամ տեղեկանք ամուսնու քաղաքացիության մասին

բ/ իր երեխայի ծննդյան վկայականը և դրա պատճենը կամ Հայաստանի Հանրապետության քաղաքացիությունը հաստատող վկայականը և դրա պատճենը, կամ Հայաստանի Հանրապետության քաղաքացու անձնագիրը և դրա պատճենը:

2. այն անձը, որի ծնողները կամ նրանցից մեկը նախկինում ունեցել է Հայաստանի Հանրապետության քաղաքացիություն կամ ծնվել է Հայաստանի Հանրապետությունում և որը 18 տարին լրանալուց հետո 3 տարվա ընթացքում դիմել է Հայաստանի Հանրապետության քաղաքացիություն ստանալու համար, այս դեպքում դիմողը անձամբ պետք է ներկայացնի.

- դիմում՝ ուղղված ՀՀ Նախագահին
- անձնագիրը և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
- 35 x 45 մմ չափսի 6 լուսանկար
- տեղեկանք առողջական վիճակի մասին
- տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից
- ծննդյան վկայականը և դրա պատճենը:

3. այն անձը, որը ծագումով հայ է, այսինքն՝ ունի հայ նախնիներ, այս դեպքում դիմողը անձամբ պետք է ներկայացնի.

- դիմում՝ ուղղված ՀՀ Նախագահին
- անձնագիրը և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
- 35 x 45 մմ չափսի 6 լուսանկար
- տեղեկանք առողջական վիճակի մասին
- տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից
- ծննդյան վկայականը և դրա պատճենը
- հայկական ծագումը հաստատող փաստաթուղթը՝ ծնողի (պապի կամ տատի կամ քրոջ կամ եղբոր) ծննդյան վկայականը և դրա պատճենը կամ ազգությունը հաստատող այլ փաստաթուղթ:

4. այն անձը, որը 1995 թվականի հունվարի 1-ից հետո, իր դիմումի համաձայն, դուրս է եկել Հայաստանի Հանրապետության քաղաքացիությունից, այս դեպքում դիմողը անձամբ պետք է ներկայացնի.

- դիմում՝ ուղղված ՀՀ Նախագահին
- անձնագիրը և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
- 35 x 45 մմ չափսի 6 լուսանկար
- տեղեկանք առողջական վիճակի մասին

- տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից
- ծննդյան վկայականը և դրա պատճենը:

Հայաստանի Հանրապետությանը բացառիկ ծառայություններ մատուցած անձանց կարող է շնորհվել Հայաստանի Հանրապետության քաղաքացիություն առանց վերը նշված բոլոր պահանջների:

**Այս դեպքում անձը Հայաստանի Հանրապետության ոստիկանության անձնագրային և վիզաների վարչություն կամ օտարերկրյա պետություններում Հայաստանի Հանրապետության դեսպանություն կամ հյուպատոսական հիմնարկ է ներկայացնում.**

- դիմում՝ ուղղված ՀՀ Նախագահին
- անձնագիրը և դրա պատճենը /քաղաքացիություն չունեցող անձը՝ իր վկայականը և դրա պատճենը կամ ճամփորդական փաստաթուղթը և Հայաստանի Հանրապետությունում կացության կարգավիճակը հաստատող փաստաթուղթը և դրանց պատճենները/
- 35 x 45 մմ չափսի 6 լուսանկար
- տեղեկանք առողջական վիճակի մասին
- տեղեկանք դատվածության մասին՝ անձի քաղաքացիության երկրից, իսկ քաղաքացիություն չունենալու դեպքում՝ ճամփորդական փաստաթուղթ տված երկրից:

Բոլոր թվարկված դեպքերում, փաստաթղթերը ներկայացնելիս, դիմողը լրացնում է սահմանված ձևի հարցաթերթիկ:

Օտար լեզվով փաստաթղթերի հետ միասին անհրաժեշտ է ներկայացնել դրանց նոտարական կարգով վավերացված հայերեն թարգմանությունները:

Հայաստանի Հանրապետության քաղաքացիությունը շնորհվում է Հայաստանի Հանրապետության Նախագահի հրամանագրով:

Հայաստանի Հանրապետության քաղաքացիություն ստանալու վերաբերյալ դիմումները քննարկվում են **մեկամյա** ժամկետում:

Հայաստանի Հանրապետության քաղաքացիություն ստանալու դիմումը մերժվում է, եթե տվյալ անձն իր գործունեությամբ վնասում է պետական և հասարակական անվտանգությանը, հասարակական կարգին, հանրության առողջությանը և բարբերին, այլոց իրավունքներին և ազատություններին, պատվին և բարի համբավին: Հայաստանի Հանրապետության քաղաքացիություն ստանալու դիմումի մերժումը կարող է չհիմնավորվել:

Դիմումի մերժման դեպքում կրկին կարելի է դիմել մերժման օրից մեկ տարի հետո:

Հայաստանի Հանրապետության քաղաքացիությունից հրաժարվելը կամ այլ պետության քաղաքացիություն ընդունելն ինքնին չի հանգեցնում Հայաստանի Հանրապետության քաղաքացիությունը կորցնելուն:

Հայաստանի Հանրապետության այն քաղաքացին, որն ունի նաև այլ պետության/պետությունների/ քաղաքացիություն համարվում է Հայաստանի Հանրապետության **երկքաղաքացի**:

**Հայաստանի Հանրապետության երկքաղաքացին Հայաստանի Հանրապետության համար ճանաչվում է միայն որպես Հայաստանի Հանրապետության քաղաքացի:**

Սույն նորմը տարածվում է նաև 1995 թ. հունվարի 1-ից հետո, առանց սահմանված կարգի Հայաստանի Հանրապետության քաղաքացիությունից դուրս գալու, այլ

պետության քաղաքացիություն ձեռք բերած, ինչպես նաև Հայաստանի Հանրապետության քաղաքացիությունից միակողմանի հրաժարված քաղաքացիների վրա:

Հայաստանի Հանրապետության երկքաղաքացին ունի Հայաստանի Հանրապետության քաղաքացու համար նախատեսված բոլոր իրավունքները և կրում է Հայաստանի Հանրապետության քաղաքացու համար նախատեսված բոլոր պարտականություններն ու պատասխանատվությունը:

Հայաստանի Հանրապետության քաղաքացին այլ պետության քաղաքացիություն ձեռք բերելու դեպքում պարտավոր է այդ մասին **մեկամսյա** ժամկետում սահմանված կարգով հայտնել Հայաստանի Հանրապետության կառավարության լիազոր մարմիններից մեկին՝ Հայաստանի Հանրապետության ոստիկանության անձնագրային և վիզաների վարչությանը, Հայաստանի Հանրապետության ոստիկանության տարածքային ստորաբաժանմանը, իսկ օտարերկրյա պետություններում՝ Հայաստանի Հանրապետության դեսպանությանը կամ հյուպատոսական հիմնարկին:

1995 թվականի հունվարի 1-ից հետո մինչև 2007 թվականի հոկտեմբերի 20-ն ընկած ժամանակահատվածում առանց սահմանված կարգի Հայաստանի Հանրապետության քաղաքացիությունից դուրս եկած և այլ պետության քաղաքացիություն ձեռք բերած անձինք պարտավոր են այդ մասին 2007 թվականի հոկտեմբերի 20-ից հետո վեցամսյա ժամկետում հայտնել Հայաստանի Հանրապետության ոստիկանության անձնագրային և վիզաների վարչություն կամ Հայաստանի Հանրապետության ոստիկանության տարածքային ստորաբաժանում, իսկ օտարերկրյա պետություններում՝ Հայաստանի Հանրապետության դեսպանություն կամ հյուպատոսական հիմնարկ:

Հայաստանի Հանրապետության քաղաքացու կողմից այլ պետության քաղաքացիություն ձեռք բերելու դեպքում Հայաստանի Հանրապետության կառավարության լիազոր մարմինն սահմանված ժամկետում չհայտնելը առաջ է բերում վարչական պատասխանատվություն:

Իսկ այլ պետության քաղաքացիություն ձեռք բերելու մասին չհայտնելը այն Հայաստանի Հանրապետության քաղաքացու կողմից, որը հավակնում է այնպիսի պաշտոն զբաղեցնելու, որը զբաղեցնելն օրենքով արգելված է այլ պետության քաղաքացի հանդիսացող Հայաստանի Հանրապետության քաղաքացիներին, ինչպես նաև այն պաշտոնատար անձի կողմից, որը, օրենքի համաձայն, չէր կարող լինել նաև այլ պետության քաղաքացի՝ պատժվում է քրեորեն:

Այլ պետության քաղաքացիություն ձեռք բերած Հայաստանի Հանրապետության քաղաքացին չի ազատվում պարտադիր զինվորական ծառայությունից, անկախ այն հանգամանքից՝ ծառայել է նա այլ պետությունում, թե ոչ:

Հայաստանի Հանրապետության քաղաքացիություն ձեռք բերած այլ պետության քաղաքացին ազատվում է պարտադիր զինվորական ծառայությունից, եթե մինչև Հայաստանի Հանրապետության քաղաքացիություն ձեռք բերելը ոչ պակաս, քան 12 ամիս ծառայել է այլ պետության զինված ուժերում կամ այլ պետությունում ոչ պակաս, քան 18 ամիս անցել է այլընտրանքային զինվորական ծառայություն, բացառությամբ Հայաստանի Հանրապետության կառավարության կողմից սահմանված պետությունների:

Երկքաղաքացին չի ազատվում գորահավաքից և վարժական հավաքից: